## 0.0.1 ditthigatasuttam

vuttam hetam bhagavatā. vuttamarahatā'ti me sutam.

- 1. dvīhi bhikkhave diṭṭhigatehi pariyuṭṭhitā devamanussā olīyantī eke. atidhāvanti eke. cakkhumanto ca passanti.
- 2. kathañca bhikkhave olīyanti eke?
- 3. bhavārāmā bhikkhave devamanussā bhavaratā bhavasammuditā. tesam bhavanirodhāya dhamme desiyamāne na cittam pakkhandati na pasīdati na santiţthati nādhimuccati. evam kho bhikkhave olīyanti eko.
- 4. kathañca bhikkhave atidhāvanti eke?
- 5. bhaveneva kho paneke aṭṭiyamānā harāyamānā ji-gucchamānā vibhavaṃ abhinandanti yato kira bho ayaṃ attaṃ¹ kāyassa bhedā parammaraṇā ucchijjati vinassati na hoti parammaraṇā, etaṃ santaṃ etaṃ paṇītaṃ etaṃ yathāvantī². evaṃ kho bhikkhave atidhāvanti eko.
- 6. kathañca bhikkhave cakkhumanto passanti?

bjt page 376

<sup>&</sup>lt;sup>1</sup>satto, sīmu.

<sup>&</sup>lt;sup>2</sup>yathāvaevaṃdhāvatī, sīmu.

pts page 044

- 7. idha bhikkhu bhūtam bhūtato passati, bhūtam bhūtato disvā bhūtassa nibbidāya virāgāya nārodhāya paṭipanno hoti. evam kho bhikkhave cakkhumanto ca passantīti.
- 8. etamattham bhagavā avoca. tatthetam iti vuccati:

ye<sup>3</sup> bhūtaṃ bhūtato disvā bhūtassa ca atikkamā<sup>4</sup> yathābhūte vimuccanti bhavataṇhāparikkhayā.

sa ve<sup>5</sup> bhūtapariñño so<sup>6</sup> vītataṇho bhavābhave bhūtassa vibhavā bhikkhu nāgacchati punabbhava"nti.

9. ayampi attho vutto bhagavatā. iti me sutanti.

<sup>4</sup>atikkamam, sīmu.

³yo, syā.

<sup>&</sup>lt;sup>5</sup>sace, sīmu. syā, pts.

<sup>&</sup>lt;sup>6</sup>bhūtapariññāto, katthaci.